

Arkiv: FA-C20
JournalpostID: <jplD> 20/30180
Saksbehandlar:
Dato: 20.05.2020

Saksframlegg

Saksnr.	Utvalg	Møtedato
035/20	Utval for oppvekst, kunnskap og kultur	09.06.2020
	Alver kommunestyre	

Samarbeidsavtale mellom Alver kommune og Alver idrettsråd

Rådmannen sitt framlegg til vedtak:

Alver kommunestyre godkjenner samarbeidsavtalen mellom Alver kommune og Alver idrettsråd, slik han ligg ved saka

Utval for oppvekst, kunnskap og kultur 09.06.2020:

Behandling:

Rådmannen sitt framlegg vart samrøystes vedteke.

OKK- 035/20 Vedtak:

Innstilling frå OKK - 09.06.2020:

Alver kommunestyre godkjenner samarbeidsavtalen mellom Alver kommune og Alver idrettsråd, slik han ligg ved saka.

Politisk handsaming

Saka skal til innstilling i utval for oppvekst, kunnskap og kultur

Saka skal avgjerast i kommunestyret

Bakgrunn

Alver idrettsråd vart konstituert i januar 2020, etter at *fellesnemnd for idrettsråda i Lindås, Radøy og Meland* hadde førebudd saka gjennom 2019.

Alle dei tre gamle kommunane hadde samarbeidsavtalar med sine respektive idrettsråd. Samarbeidsavtale med Alver idrettsråd er eit vedtatt tiltak i Anleggsstrategi for Alver 2020-2024.

Alver idrettsråd ønskjer samarbeidsavtale med Alver kommune, og ein er komme til semje om eit framlegg til avtaletekst.

Saksopplysninger:

Idretten er forplikta av NIF til å ha eit idrettsråd dersom det er tre eller fleire idrettslag i kommunen som er medlemmar i idrettsforbundet.

Alver idrettsråd har som formål og vere eit fellesorgan for all idrett i Alver, som er organisert i NIF. Idrettsrådet skal arbeide for best moglege vilkår for idretten i Alver, og vere ein arena for samarbeid mellom idrettslaga, kommune og idrettskrins. Idrettsrådet skal kunne gjere

prioriteringar på vegne av idretten og idrettslaga i Alver.

Avtalen regulerer tilskotsyting til idrettsrådet, behovsprøvd årleg.

Ein samarbeidsavtale mellom kommunen og idrettsrådet vil regulere oppgåver og forventingar mellom partane. Avtalen liknar på tilsvarande framlegg til avtale framarbeidd med Alver kulturråd, men med somme andre formuleringar.

Idrettsrådet har i sine innspel ønskt ein klarare formulering med bruk av skal i staden for kan på punkta gjeldande idrettsrådets oppgåver. Desse er tatt omsyn til. Bakgrunnen for å føreslå kan låg i at dette gir idrettsrådet rettar, mens skal forpliktar idrettsrådet til å gjennomføre ei oppgåve, noko som ein vurderte til at idrettsrådet sjølv måtte ta stilling til.

Idrettsrådet har tidlegare i prosessen ønskt at avtalen skal tydeleggjere at idrettslag skal ta kontakt med idrettsrådet om saker som er av felles interesse for idretten. Dette er ikkje tatt omsyn til, sidan alle innbyggjarar og aktørar kan ta kontakt med kommunen i alle saker. Idrettsrådets høve til å representere felles interesser for idretten er likevel ivaretatt ved at kommunen i avtalen forpliktar seg til å sende alle saker av felles interesse for idretten til uttale til idrettsrådet, og at ingen saker derfor kan gå forbi idrettsrådets merksemd. Avtalen legg fram at saker bør formidlast til idrettsrådet, for å tydeleggjere ei forventing begge parter har til korleis ein ser det tenleg at idrettssaker vert handsama og forvalta.

Idrettsrådet har òg ønskt eit punkt som viser til at saker som vert fremja til kommunen vert fremja til administrasjonen ved rådmannen. Punktet viser til faktiske tilhøve og ikkje tatt med i endeleg framlegg.

Avtaleteksten byggjer på framlegg frå idrettsrådet i februar 2020, og framlegg frå kommunen vart sendt idrettsrådet til uttale 20. mai. Etter dialog med idrettsrådet vart nytt framlegg sendt 29. mai. Endeleg framlegg vart utarbeidd 2. juni.

Det er denne versjonen per 2. juni som ligg ved saka som endeleg framlegg til samarbeidsavtale.

I vedtak 2. juni 2020 rår Alver idrettsråd til at vedlagde samarbeidsavtale, sist revidert 2. juni 2020, vert godkjend.

Vedlegg i saken:

02.06.2020	Uttale frå Alver idrettsråd	1398973
02.06.2020	Samarbeidsavtale mellom Alver kommune og Alver idrettsråd	1398982